

1472 more prælium capeffunt . Anceps diu pugna fuit , qua nostri eo difficilius sunt defuncti , quod præruptis cautibus hic , ubi res gerebatur , impredientibus , equitum opera parum utilis fuit . Navales focii ac milites sagittis aliisque telis eminus hostem feriunt , cominus vero ense , hasta , clavaque prosternunt : nec impune , nam ex ipsis quoque non pauci interim a barbaris faucii cadebant . Fortuna neutro inclinante , prælium dubium , ut dixi , aliquandiu fuit : demum Venetus & virtute & numero superior , hostem loco summovet , summotum ingenti strage fundit fugatque : multi , abjectis armis , vivi capti sunt , plures vero locorum non ignari in præruptos saltus , inviosque montium anfractus se trepide receperunt . Fusis hostibus , Veneti ad prædam discurrunt , ferro ignique omnia vastantes : atque ita longe lateque per hostium terram vagati , ad naves tapetibus onusti redeunt . In ea Asiæ ora mulieres operariæ sunt tapetumque textrices , quæ non solum ad domesticum ulum , sed ad mercaturam quoque exercentur . Cæsorum capita sine numero ad imperatorem delata , captivi etiam multi ex acie adducti , ex agris alioquin & vicis paucissimi . Quatriduo inde classis profecta , ad Tabiam Cariæ locum sub lucem admota est : ibi duo ex adverso maria pene coeuntia magnam Cariæ partem peninsulam efficiunt : ager olim Halicarnasseorum , urbs ipsa Principum regia , Mausolique sepulchro valde insignis . Visuntur adhuc , ut Corolianus scribit , molis illius eximiæ inter cæteras urbis ruinas vestigia quædam . Locorum incolæ ab agrorum cultu abhorrentes , pecuariam passim exercent . Ex his quoque terris vim hominum ac pecorum ingentem prædatores abduxere : quibus ad naves receptis , ad desertam insulam , cui Caprariæ est nomen , Mocenicus concessit .

Hic dum præda dividitur , nunciatur Pontificis Legatum cum classe adesse : cui propinqui Venetus imperator instructis navibus officii gratia obviam processit : eumque alacri celeumate tubarumque concentu acceptum , post mutuam congratulationem ita affatus dicitur : *Audi-*
visti ,